



Publicaziuns dalla vischnaunca, jamna 34

Lubentschas da baghegiar

L'instanza da baghegiar ha concediu suandontas lubentschas da baghegiar:

Nr. 2010-1040

Meinrad Deflorin-Lutz, Gassa da Cuoz 23, 7186 Segnas; slargar ed adattar igl access tiel misse, parcellas 2955 e 3012, Plaun Menisch, 7180 Disentis/Mustér.

Nr. 2011-1023/03

Recal AG, Via Alpsu 49, 7180 Disentis/Mustér; scaldament lontan (nova lingia da provediment pil Center da sport e cultura), midada da project, parcellas 3626, 2945, 2904, 2903, 2872, 2874, 607, 2848, 1353, 1350, 1354, 1355, 1356, 1357 e 1351, Val Rieven, Gonda, Acla da Fontauna, 7180 Disentis/Mustér.

Nr. 2011-1047

Pendicularas Mustér SA, Via Acletta 2, 7180 Disentis/Mustér; engrondaziun dall'ustria ed installaziun da tualettas novas, parcella 2540, Lai Alv, 7180 Disentis/Mustér.

Nr. 2011-1049

Swisscom (Schweiz) AG, Genfergasse 14, 3011 Bern; nova antenna directiva sin tetg dalla centrala da telefon, parcella 844, Via Raveras 17, 7180 Disentis/Mustér.

Quellas lubentschas san vegnir contestadas enteifer 30 dis dapi la publicaziun el Fegl ufficial dalla Surselva tier la Dertgira administrativa dil cantun Grischun.

Disentis/Mustér, ils 22-8-2011

Uffeci da baghegiar Disentis/Mustér

Clauder pastira

L'administraziun communal sto adina puspei prender encunter reclamaziuns da hosps ed indigens en connex cun transitar pastiras sin sendas ufficialas da spassegiar e viandar. Gest tier la pasculaziun da vaccas-mumma ein differentamein sedai malemperneivels ni schizun prigulus inscunters.

Nus supplichein ils possessurs d'animals da clauder lur terren e las pastiras aschia, ch'ils viandonts san passar sin las sendas senza impediments e senza disturbar ils animals che pasqueschan. Cheutras duei vegnir impidiu ch'ils animals attaccan persunas, quei che sa haver malemperneivlas consequenzas cun pretensiuns da responsabladad.

Bien engraziament pil risguard.

Suprastanza communala

Vischinadi d'Acletta Radunanza extraordinaria

Venderdis, ils 26 d'uost 2011 allas 20.00 el hotel Péz Ault.

Tractandas:

1. Beinvegni
2. Elecziun d'in dumbravuschs
3. Statuts per il vischinadi: approbaziun



4. Elecziuns:

- a) suprastonza (president, actuar, cassier), cauvitg
- b) in revisur da quen

5. Varia

Cordialmein envida la suprastonza dil vischinadi Acletta

Controlla da bulius

Dumengia, ils 28 d'uost 2011 naven dallas 16.00–17.00 ha liug avon l'entrada dalla casa da scola nova a Cons ina controlla da bulius. La controlla ei gratuita e succeda entras il controllader Egmont Heisch da Cumbel.

Organisau d'ina grupper d'interess

Apparats d'udida

Gliendisdis, ils 29 d'uost 2011 denter las 14.00 e las 16.00 saveis Vus schar schubergiar e regular Vies apparat d'udida en Casa da tgira Sursassiala. L'unio Pro Auditio Chur, cun Arthur Jacomet fa quei survetsch per tuts interessents gratuitamein.

Liug: Casa da tgira Sursassiala.

Cordiala invitazion

Casa da tgira Sursassiala

Universitätsprofessor Dr. Urs Altermatt im Disentiser Klosterforum

Am Mittwoch, 31. August 2011, spricht um 20.30 Uhr im Peter-Kaiser-Saal des Klosters der bekannte Historiker und Publizist Prof. Dr. Urs Altermatt über das Thema: **Ist die Konkordanz am Ende? Zeitgeschichtliche Gedanken zu den Bundesratswahlen 2011.**

Altermatt war von 1980 bis 2010 ord. Professor für Zeitgeschichte an der Universität Fribourg. Von 2003 bis 2007 war er Rektor. Für sein wissenschaftliches Schaffen erhielt er mehrere Auszeichnungen, darunter den Dr. h.c. der Universität Sofia. Viele Publikationen über Schweizergeschichte.

Kollekte zur Deckung der Unkosten.

Herzliche Einladung P. Urban Affentranger

Unihoc per ina e scadina

Tgi ha temps e plascher da s'entupar inagada ad jamna, prevedentamein la mesjamna, naven dallas 20.00– 21.30 per dar unihoc? Ei drova neginas enconuschientschas fundadas. La devisa ei da ver plascher dil sport d'unihoc e star da cumpignia.

Nus selegrein sin Ti'annunzia via e-mail **entochen ils 31 d'uost 2011: info@centerdasport.com.**

Cun salids sportivs Angelina, Rahel e Manuela



SVKT Uniun da gimnastica da dunnas Mustér

Nossa gimnastica entscheiva puspei:

Bal da reit (Netzball)
gliendisdis, ils 29 d'uost 2011 allas 19.00;

Gimnastica da dunnas e gimnastica 50+
gievgia, igl 1. da settember 2011 allas 20.00 el Center da sport e cultura Mustér.

Sche ti vul fuffergnar nunligiontamein ina ni pliras gadas, eis cordialmein envidada!

Nus selegrein!

Las dunnas dall'UGDM Mustér

SVKT-Frauensportverein Disentis/Mustér

Unsere Turnstunden beginnen wieder:

Netzball
Montag, 29. August 2011, um 19.00 Uhr;

Frauengymnastik/Frauengymnastik 50+
Donnerstag, 1. September 2011, um 20.00 Uhr im Sport- und Kulturzentrum Disentis/Mustér.

Wenn du Lust hast, bei uns zu schnuppern, besuche uns unverbindlich ein oder mehrere Male.

Wir freuen uns!

Die Frauen vom SVKT Disentis/Mustér

Gruppa da gimnastica per senioras

Las vacanzas ein finidas. Nus entscheivein cun nossa gimnastica ils **2 da settember 2011**.

Urari: Mintga venderdis, 13.30–14.30, halla Cons.

Cordialmein envidein nus nossas commembras. Tgi enconuscha buca nossa grappa? Sche Ti has plascher dalla gimnastica, neu e fai ina viseta nunligionta tier nus.

Sclariment per tel. 081 947 56 43 ni 081 947 53 32.

*Ad in bien e frestg seveser
Las menadras*

Uniun Indoor-Festival *Invit alla radunanza generala*

Sonda, ils 3 da settember 2011 allas 19.30 el hotel Cucagna, Mustér.

Giesta da tractandas:

1. Beinvegni
2. Eleczun da dus dumbravuschs
3. Approbaziun dil protoco dalla davosa radunanza generala



4. a) rapport dil president
- b) rapport dil cassier
5. Approbaziun dil quen annual e rapport dils revisurs
6. Elecziuns: president, cassier, in assessur, in revisur da quen
7. Entradas/extradas
8. Contribuziuns annualas
9. Futur dil Raiffeisen Indoor-Festival
10. Budget
11. Varia

Cordialmein envida la suprastanza

Uniun da dunnas Mustér

Mummas cun affons pigns

Fiera da resti d'affons cun stiva da caffè

Sonda vegn organisau dalla ludoteca ina fiera da plugls per affons. Nus prendein encunter bien, schuber ed entir resti d'unviern e da stad tochen grondezia 176, termagls, calzers, sezs d'autos e da meisa, crotschas, velos, skis, scarsolas, bobs eav.

Dunnas che drovan ina nova numera, ni han damondas san prender si contact cun Susanne Strupler, tel. 081 936 43 14.

Dar giu resti:

Venderdis, ils 9 da settember 2011 dallas 16.15 entochen allas 16.30.

Vendita:

Venderdis, ils 9 da settember 2011 dallas 19.00 entochen allas 21.00.

Sonda, ils 10 da settember 2011 dallas 9.00 entochen allas 10.30.

Rembursament (minus 20%) e retuorn dil resti buca vendiu:

Il resti vegn returnaus e pagaus sonda, ils 10 da settember 2011 dallas 13.15 entochen allas 13.30.

Per uorden che maunca surprendin nus negina responsabladad.

Kinderkleiderbörse mit Kaffeestube

Die Ludothek organisiert am Samstag einen Kinderflohmarkt. Wir nehmen gut erhaltene, saubere und ganze Winterkleider sowie Sommerkleider bis Grösse 176 entgegen, ebenfalls Spielsachen, Schuhe, Auto- und Tischsitze, Kinderwagen, Velos, Ski, Schlitten, Bob usw.

Frauen, die eine Nummer brauchen oder Fragen haben, können mit Susanne Strupler, Telefon 081 936 43 14, Kontakt aufnehmen.

Annahme:

Freitag, 9. September 2011, von 16.15 bis 16.30 Uhr in der Turnhalle Cons, Disentis.

Verkauf:

Freitag, 9. September 2011, von 19.00 bis 21.00 Uhr.

Samstag, 10. September 2011, von 9.00 bis 10.30 Uhr.

Auszahlung (abzüglich 20%) und Rückgabe:

Samstag, 10. September 2011, von 13.15 bis 13.30 Uhr in der Turnhalle Cons, Disentis.

Für fehlende Sachen übernehmen wir keine Haftung.

Mummas cun affons pigns



**Entschatta dils trenaments d'JO
sesiun 2011/12**

La sesiun d'JO per scolaras e scolars dalla 1. Entochen la 9. classa da Mustér, Medel, Segnas e Sumvitg entscheiva venderdis, ils 2 da settember allas 17.30 el center da sport Mustér.

Nus purschin era uonn duas pusseivladads.

1. Mo trenament da cundiziun: Mintga venderdis, 17.30–19.00 per tut tgi che vul.
2. Trenament da cundiziun e skis: Per la grupper dad JO skis ei il trenament da cundiziun obligatoris.

Nus vein plascher sche puspei biars affons separticipeschan.

Cordialmein envida
Club da skis Mustér

Gidonter/ra duront ils campiunadi da Downhill a Mustér

Per ils campiunadis svizzers ils **10 ed ils 11 da settember** enquera l'Uniun da Downhill Mustér gidonters/ras che lavuran duront in ni omisdus dis sco posts d'observaziun.

Mintgin e mintgina sa separticipar sco gidonter sch'el ei pli vegls che 16 onns. Instrucziuns survegnis Vus la damaun dil di da lavur.

Tier interess supplichein nus Vus da s'annunziar sut l'adressa dad e-mail: info@dhdisentis.ch. Dapli informaziuns anfleis Vus sut la pagina d'internet: www.dhdisentis.ch

Viadi dall'Uniun da dunnas Mustér
Ei ha aunc plaz libers el bus

Mardis, ils **6 da settember 2011** mein nus sin viadi. Nus mein el Tessin e vegnин a visitar la renomada Capella Santa Maria degli Angeli, ch'igl architect Mario Botta ha erigiu sil Monte Tamaro. Suenter gentar mein encuter Locarno e visitein leu in pign curtin d'utschals.

Partenza da Mustér allas 7.30, retuorn ca. allas 20.30.

S'annunziar ton pli spert tier:
Fabiana Candinas, 081 947 42 88 ni 079 373 61 58.

Nus selegrein sin in bi di cun Vus ensemens.

Cordials salids
Christina, Madlen, Nanetta, Sigrid e Fabiana

Chor d'affons vischunaunca Sumvitg

Mira sut Sumvitg!



Ludoteca Mustér

Liug/Ort: Halla Cons, tel. 076 494 39 92
e-mail: ludoteca@disentis.ch

Uras d'avertura / Öffnungszeiten:

Gliendisdis/Montag: 18.30–20.00
Venderdis/Freitag: 18.30–20.00

Biblioteca populara Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar. Per e-mail saveis Vus reserver ina ni pliras medias ed enteifer 5 dis retrer ad emprest ellas en biblioteca populara.

Temps d'emprest duront la stad: Fenadur ed uost

*Gliendisdis 18.30–20.00
Venderdis 18.30–20.00*

Nies motto: Leger . . . tedlar . . . mirar . . . !

Nus selegrein da mintga viseta.
Biblioteca populara Mustér